



Publicaziuns dalla vischnaunca, jamna 05

Damonda da baghegiar

2021-1002.000

Datum dalla publicaziun: 5 da fevrer

Il patrun: Vischnaunca Disentis/Mustér, Via Cons 2, 7180 Disentis/Mustér
Il representant: Huonder Bisquolm architects SA, Via da Scola 18, 7180 Disentis/Mustér
Object: Innovaziun, amplificaziun ed engrondiment cumplessiv dil Center Fontauna, parcella 1351, Via Alpsu 51, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 5 da fevrer 2021
Uffeci da baghegiar Disentis/Mustér

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2021-2001.000

Proprietad en condomini, c/o Florian Lutz, Via Veier 8, 7180 Disentis/Mustér; sanaziun dalla casetta da curtin, parcella 984, Via Veier 8, 7180 Disentis/Mustér.

Nr. 2021-2002.000

Anna Marie e Marcus Garbe-Danuser, Schwalbenbodenstrasse 39, 8832 Wollerau; midada dalla portagarascha en in'entrada sempli, parcella 1116, Via Muot Selvaun 4, 7186 Segnas.

Nr. 2021-2003.000

Placi Bigliel, Via Disla 1, 7180 Disentis/Mustér; sanaziun dil tetg – edifeci nr. 592-A e sanaziun dils barcuns – edifeci nr. 592, parcella 1779, Via Disla 1, 7180 Disentis/Mustér.

Nr. 2021-2004.000

Rita e Corsin Huonder-Tenner, Via Clavianev 1, 7180 Disentis/Mustér; remplazzament da duas finiastras ed engrondaziun d'ina finiastra entochen plaun e nova cuschina, parcella 2288, Via Clavianev 1, 7180 Disentis/Mustér.

Nr. 2021-2005.000

Theodosi Sialm, 331 Chemin de che Labrizée, F-74350 Menthonnex-en-Bornes; installaziuns sanitaras ed electricas, nova duscha, parcella 112, Via Iert 2, 7186 Segnas.

Disentis/Mustér, ils 5 da fevrer 2021
Uffeci da baghegiar Disentis/Mustér



Taglia da tgauns 2021

Tenor artechel 7 dalla lescha communal da taglia ei mintga persuna che tegn in tgaun sil territori dalla vischnaunca da Mustér obligada da pagar ina taglia da tgauns. Ulteriur da quei sto il tgaun esser marcaus cun in microchip.

Ils possessurs da tgauns retscheivan directamein in quen per la taglia da tgauns. Quella munta pigl emprem tgaun frs. 120.– e per mintga ulteriur tgaun ella medema casada frs. 180.– per onn. Tgauns da polizia, tgauns da schurmetg, tgauns da lavinias sco era tgauns per tschocs e suords ein deliberai dalla taxa.

Adatg!

Possessurs ch'acquistan da niev in tgaun ein vinavon obligai da vegnir enteifer 30 dis persunalmein al spurtegl dall'administraziun communal per cumprovar la registraziun dil microchip. Il conto sin la platfaorma da datas Amicus vegn endrizzaus entras l'administraziun communal. Mintga possessur d'in tgaun ei obligaus da registrar acquists, surdadas, mortoris ed exports egl exterior d'in tgaun.

Administraziun communal

Datas dallas structuradas agricolas, dumbraziun da biestga/animals (Strukturerhebung 2021)

La dumbraziun da biestga vegn menada atras pigl 1. da schaner 2021. Las **registraziuns electronicas** dallas datas san vegnir fatgas naven dils **28 da schaner entochen ils 11 da fevrer 2021**.

Nus supplichein tut ils menaschis da squitschar ora ils formulars cun las lingias nua ch'ei basegna la sutscriziun dil cultivader (*suttscriziun dil responsabel dalla vischnaunca ei buca pli necessaria, denton ei la gliesta dil menaschi «Betriebsliste» ligionta pil responsabel*).

L'inoltraziun ha da succeder entochen sil pli tard ils **19 da fevrer 2021** all'administraziun communal Disentis/Mustér, Via Cons 2, 7180 Disentis/Mustér.

Tuts menaschis ed elevators/possessurs d'animals (era menaschis da hobi) ch'adempleschan las suandontas cundiziuns, ein obligai d'annunziar ils muvels e las surfatschas da terren, independentamein sch'ei vegn retratg contribuziuns ni buca.

a) Surfatschas:

- 1 ha surfatscha utilisabla agricola;
- 30 ha cultura speciala;
- 10 ha cultivaziun protegida.

b) Animals (naven dad in animal):

- armauls (tschaffada TVD), alpacas, cauras, pors, nuorsas, cavals, asens, gaglinam – naven da tschun animals;
- aviuls (naven dad in pievel) p.pl. indicar tut ils ualers, era ils vits;
- menaschis da tratga da pèschs.

Adatg!

Menaschis agricols che vegnan sligiai si ni surdai en auters mauns enteifer igl onn 2021 ein obligai d'annunziar quei gia ussa culs formulars corrispundents.

Per damondas ed informaziuns stat la secretaria dall'administraziun communal Ursina Murer-Fatzer (081 920 36 30 ni umurer@disentis.ch) ni era il gerau competent Clemens Berther (079 619 11 05 ni cultivaziun@disentis.ch) bugen a Vossa disposiziun.

Ulteriuras informaziuns e formulars anfleis Vus sin la pagina d'internet dil Cantun:
www.gr.ch/DE/institutionen/verwaltung/dvs/alg/dokumentation/agrarmassnahmen/



Controlla da habitonts

Naschientscha

Lucas Mattiu Steger, naschius ils 27 da schaner 2021, feagl da Nyasa Lisa Hickey e Silvio Steger

Clom d'urgenza 118

Preziadas vischinas, preziai vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!

Vos Pumpiers Sursassiala

Café rumantsch virtual

Il caffè stueis Vos far sez – pil bien discuors procura la Lia Rumantscha. (*Mira sut Surselva*)
